



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Rebus Bohemicis Liber Singvlaris

Le Mire, Aubert

Lvgdvni, 1621

Pauli V. Papae Epistola responsoria ad Maximilianum Bauariae Ducem.
Cap. XIV.

urn:nbn:de:hbz:466:1-11069

miæ tam vrbes quàm arces captæ,
ante Pragam hostilis exercitus
profligatus, Praga occupata, & Sta-
tus Regni Bohemiæ in Imperato-
ris fidem & obsequium reducti.

Hæc Sanctitati Vestræ cōpendio
narrare, simulque Ecclesiæ Rom.
gratulari par erat. Interim Sancti-
tati Vestræ submissè & plurimùm
me commendo, atque ad pedum
osculum reuerenter submitto. Da-
tum Pragæ, die 12. Nouēbris 1620.
Sanctitatis V. deuotus, & obsequē-
tissimus filius & seruus Maximi-
lianus.

C A P V T X I V.

*Pauli V. Papæ Epistola responsoria
ad Maximilianum Bavarie
Ducem.*

DILECTO FILIO, nobili vi-
ro, Maximiliano Duci Ba-
uarie,

uariæ, Paulus PP. V.

Dilecte fili, Nobilis vir, felicissimum, & supra quàm dici potest, nobis & vniuersæ Christianæ Reipublicæ optatissimum Pragensis victoriæ nuntium attulerunt litteræ tuæ: quam quidem victoriam, vt de immensa Dei potētia confidentes, non dubia spe præsumebamus, ita nunc de eâ tam copiosè, tam mirabiliter parata, immortales ei, qui facit mirabilia magna solus, gratias agere non desistimus. Tibi verò, in visceribus Iesu Christi vnicè dilecte Fili, totius Ecclesiæ nomine, cui immeritò præsidemus, ex intimis præcordiis gratulamur, quòd nimirum res adeò præclaras tam fortiter, tam breui tempore gesseris, vt quemadmodum scribis, veneris, videris, & Deo duce viceris perfidos Christi hostes, & Romano Imperio rebelles. Laudet,

E 5

Fili, vsque ad mortem, anima mea
Dominum, quoniam adiutor &
protector factus est nobis. Equidē
Nobilitatis tuę litteris lectis, toto
spiritu in Domino exultantes, ec-
clesiam S. Marię Maioris petiui-
mus, ibique humiliter prostrati cū
lachrymis, de summo accepto be-
neficio debita persoluimus, tum
auctori bonorum omnium Deo,
tum eius sanctissimę Matri Mise-
ricordiarum, & Reginę Sanctorum
omnium in quorum solemnitate
octauo die, victoriam diuinitus ti-
bi delatam fuisse scribis. Vt mini-
mē dubitandum sit, quin tibi pro
gloria Dei strenuē dimicanti cę-
lestis exercitus auxilium illa die
præsens adfuerit. Ad huius por-
rō beneficij magnitudinem, quā
grato possumus animo prosequen-
dum, solemnes indiximus in hac
Urbe supplicationes ab ecclesia
S. Ma

S. Mariæ, quam appellât supra Mi-
neruam, ad ecclesiam S. Mariæ de
Anima: ad quam nos venientes, sa-
crofanctum Missæ sacrificiû Om-
nipotenti Deo, in gratiarum actio-
nem, obtulimus. Nullum certè erit
tempus, in quo collati eximij doni
memoria ex animo nostro delea-
tur, quin semper in dies magis, ma-
gisque vigebit, sicut & illustris tuæ
virtutis, tuorumque gestorum im-
mensa gloria perpetuò nobis ante
oculos versabitur, omnisque con-
sequēs ætas meritis illam laudibus
celebrare nō desistet. Nec est, quod
aliquo pacto vereamur, ne ista tua
virtus vñquam defatigetur, quin
firmiter sperare debemus, eam ex
ipsis, pro Christi atque ipsius Eccle-
siæ honore, feliciter susceptis labo-
ribus, maiores quotidie vires acce-
pturam, deque Christiana Repu-
blica maiori etiam, si fieri possit co-

natu optimè promereri nunquam cessaturam.

Quo sanè fiet, vt antiqua Bauaricæ familiæ decora tuis egregiis factis in dies exornentur, & cumulentur, & ipse temporalis atque etiam æternæ felicitatis amplissimum præmium, ab eo, qui est liberalissimus remunerator, consequeris. Nos certè tantum nobilitatis tuæ merito tribuimus, vt quæ vnquam à nobis, atque ab hac sancta Sede, in te tuamque familiam proficisci poterunt, ea semper vobis parata fore, pro certo habeas, velimus. Interim Nobilitati tuæ à Domino secunda omnia optamus & precamur, & iterū paterna nostra benedictione, toto cordis affectu, benedicimus. Datum Romæ apud S. Mariam Maiorem, 3. Decembris 1620. an. 16. Pontificatus.

Ceterū Paulus V. Papa anno

1621.

1621. die 28. Januarij viuere desit:
cui, die 9. mensis Februarij sequen-
tis, feliciter suffectus est Gregorius
XV. ex gente Ludouisia apud Bo-
nonienses nobilissima.

C A P V T X V.

*Cæsares XII. Austriaci, seu Vati-
cinium de magnitudine ac po-
tentia Familiae Austriacæ,
anno 1261. editum.*

GENS AVSTRIA, velut fa-
cto quodam ad Imperium or-
bis terrarum nata, duodecim con-
tinua penè serie Cæsares Augustos
dedit, magno vniuersæ Reip. Chri-
stianæ cōmodo. Primus supremum
istud honoris & gloriæ fastigium
Rudolphus; Habsburgēsis apud Hel- I
uetios Comes, anno partæ salutis
1273. familiæ suæ intulit & gētem
sceptris